



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14- prečišćeni tekst, 38/16, 44/17, 28/18, 52/21, 40/22 i 13/25), člana 19. stav 1. tačka 4. i člana 141. stav 3. Statuta Općine Novo Sarajevo („Službene novine Kantona Sarajevo“, broj: 5/20- prečišćeni tekst i 20/20- ispravka) i člana 16. stav 2. tačka e. Odluke o izvršavanju Budžeta Općine Novo Sarajevo za 2026. godinu („Službene novine Kantona Sarajevo“ broj: 1/26), Općinsko vijeće Novo Sarajevo, na nastavku 11. redovne sjednice, održanom dana 17.3.2026. godine, donijelo je

PRAVILNIK

o raspodjeli novčanih sredstava za sufinansiranje troškova vantjelesne oplodnje

Član 1.

(Predmet)

- (1) Ovim Pravilnikom utvrđuju se uslovi, kriteriji, visina pomoći, način ostvarivanja prava i dodjela novčanih sredstava za sufinansiranje troškova vantjelesne oplodnje ili biomedicinski potpomognute oplodnje.
- (2) Biomedicinski potpomognuta oplodnja u smislu ovog Pravilnika obuhvata medicinske postupke liječenja neplodnosti, a naročito vantjelesnu oplodnju (IVF/ICSI), intrauterinu inseminaciju (IUI) i postupke krioprezervacije embrija nastalih u postupku vantjelesne oplodnje.

Član 2.

(Gramatička terminologija)

Gramatička terminologija korištenja muškog ili ženskog spola podrazumijeva uključivanje oba spola.

Član 3.

(Cilj Pravilnika)

Cilj lokalne zajednice je da se kroz djelovanje u sistemu socijalne zaštite izdvajanjem budžetskih sredstava stvore bolji uslovi za porodični život i pronatalitetnu politiku.

Član 4. **(Izvor sredstva)**

Novčana sredstva za sufinansiranje troškova vantjelesne oplodnje ili biomedicinski potpomognute oplodnje obezbjeđuju se u Budžetu Općine Novo Sarajevo za tekuću budžetsku godinu, a u skladu sa finansijskim mogućnostima.

Član 5. **(Postupak dodjele sredstava)**

Novčana sredstva iz člana 4. Ovog Pravilnika dodjeljivat će se na osnovu podnesenih prijava na Javni poziv koji raspisuje Općinski načelnik, a koji se objavljuje početkom svake budžetske godine na web stranici i oglasnoj ploči Općine i ostaje otvoren do kraja tekuće budžetske godine odnosno do utroška planiranih budžetskih sredstava za tekuću godinu.

Član 6. **(Sadržaj Javnog poziva)**

Javni poziv treba da sadrži sljedeće elemente:

- a) naziv organa koji raspisuje Javni poziv,
- b) predmet Javnog poziva, odnosno svrhu i namjenu sredstava koja su predmet dodjele,
- c) ukupna finansijska sredstva potrebna za provođenje Javnog poziva, uključujući najniži i najviši iznos koji se može dodijeliti po korisniku,
- d) uslovi koje podnosioci prijava moraju ispunjavati kako bi ostvarili pravo na dodjelu novčanih sredstava u skladu sa Javnim pozivom,
- e) vremenski period za koji se Javni poziv raspisuje,
- f) obavezna dokumentacija koju je potrebno priložiti uz prijavu, kao i forma i način dostavljanja prijava, rok za podnošenje prijava, bitne napomene, uključujući upute o načinu podnošenja zahtjeva (lično, poštom), kontakt podatke podnosioca prijave, napomenu o neprihvatanju nepotpunih i neblagovremenih prijava, kao i informacije o postupku razmatranja i donošenja odluke.

Član 7. **(Uslovi za dodjelu novčanih sredstava za vantjelesnu oplodnju)**

Uslovi za ostvarivanje prava na dodjelu jednokratne novčane pomoći za sufinansiranje troškova vantjelesne oplodnje ili biomedicinski potpomognute oplodnje po ovom Pravilniku su:

- a) da je žena koja podnosi prijavu u bračnoj ili vanbračnoj zajednici,
- b) da je bračna zajednica postojala prije početka postupka vantjelesne oplodnje ili biomedicinski potpomognute oplodnje,
- c) da je vanbračna zajednica postojala najmanje tri godine prije početka postupka vantjelesne oplodnje ili biomedicinski potpomognute oplodnje,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



- d) da oba partnera imaju prebivalište na području općine Novo Sarajevo najmanje jednu godinu prije podnošenja prijave,
- e) da bračni/vanbračni partneri imaju preporuku od strane nadležne zdravstvene ustanove koja provodi postupke vantjelesne oplodnje ili biomedicinski potpomognute oplodnje, da je ostvarivanje potomstva moguće jedino postupkom vantjelesne oplodnje ili biomedicinski potpomognute oplodnje,
- f) da postupak za koji se traži sufinansiranje troškova vantjelesne oplodnje ili biomedicinski potpomognute oplodnje nije okončan,
- g) da se ne može ostvariti i da nije ostvareno pravo na finansiranje/sufinansiranje troškova vantjelesne oplodnje ili biomedicinski potpomognute oplodnje putem Zavoda zdravstvenog osiguranja i reosiguranja Federacije Bosne i Hercegovine,
- h) da žena nema više od 43 godine života,
- i) da je postupak vantjelesne oplodnje ili biomedicinski potpomognute oplodnje proveden u nadležnoj javnoj ili privatnoj zdravstvenoj ustanovi koja je ovlaštena za obavljanje postupaka vantjelesne oplodnje ili biomedicinski potpomognute oplodnje na teritoriji Bosne i Hercegovine.

Član 8.

(Izuzeci)

Izuzetno od tačke 8. člana 7. ovog Pravilnika, žena može imati i više od 43. godine života, ukoliko od zdravstvene ustanove u kojoj se bračni odnosno vanbračni partneri liječe, dobiju saglasnost za ostvarivanje potomstva postupkom vantjelesne oplodnje ili biomedicinski potpomognute oplodnje.

Član 9.

(Ostvarivanje prava, iznos novčane naknade)

- (1) Općina će sufinansirati ukupno tri pokušaja vantjelesne oplodnje ili biomedicinski potpomognute oplodnje, ukoliko su ispunjeni uslovi iz člana 7. ovog Pravilnika, s tim da se može ostvariti pravo na novčana sredstva jednom u toku kalendarske godine u iznosu do 3.000,00 KM.
- (2) Bračni odnosno vanbračni partneri koji dostave saglasnost za postupak vantjelesne oplodnje ili biomedicinski potpomognute oplodnje ženi nakon navršene 43 godine života, Općina će sufinansirati takve pokušaje na način propisan stavom 1. ovog člana.
- (3) Partneri koji ispunjavaju uslove propisane ovim Pravilnikom mogu ostvariti pravo na sufinansiranje troškova postupka intrauterine inseminacije (IUI).
- (4) U okviru sufinansiranja postupaka biomedicinski potpomognute oplodnje, Općina Novo Sarajevo može sufinansirati i troškove krioprezervacije embrija nastalih u postupku vantjelesne oplodnje.

Član 10.

(Postupak za ostvarivanje prava)

- (1) Prijave sa potpunom dokumentacijom za ostvarivanje prava podnose se Komisiji za razmatranje prijave za dodjelu novčane naknade za sufinansiranje troškova vantjelesne oplodnje ili biomedicinski potpomognute oplodnje (u daljem tekstu Komisija), putem Službe za socijalna pitanja, zdravstvo, izbjeglice i raseljena lica (u daljem tekstu Služba), a predaju se na Protokol Općine Novo Sarajevo.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



- (2) U svrhu rješavanja podnesenih prijava Općinski načelnik imenuje Komisiju za razmatranje prijava, a koja se sastoji od tri člana i jednog zamjenskog člana.
- (3) Za potrebe Komisije, Služba obavlja administrativno-tehničke poslove.
- (4) Dokumentacija koju je potrebno priložiti uz prijavu po objavljenom Javnom pozivu bit će navedena u posebnom obrascu koji će biti sastavni dio Javnog poziva.
- (5) Komisija će, kontinuirano, prema redoslijedu zaprimljenih prijava po Javnom pozivu, nakon uvida u priloženu dokumentaciju i utvrđivanja ispunjavanja uslova za dodjelu novčanih sredstava, dostaviti Prijedlog za dodjelu novčanih sredstava, na osnovu kojeg će Općinski načelnik putem Službe donijeti Zaključak o odobravanju isplate sredstava.
- (6) Prijave za koje Komisija utvrdi da ne ispunjavaju propisane uslove, kao i prijave podnesene nakon utroška budžetskih sredstava, bit će odbijene o čemu će Služba obavijestiti podnosioca prijave pismenim putem.
- (7) Služba će pismenim putem obavijestiti i podnosioca prijave koji su ostvarili pravo na novčanu pomoć.
- (8) Podnesene prijave važe samo za budžetsku godinu u kojoj je zahtjev podnesen.
- (9) Pravo na jednokratnu novčanu pomoć može se ostvariti samo jednom u toku kalendarske godine.

Član 11. **(Isplata novčanih sredstava)**

- (1) Isplata novčane naknade za sufinansiranje troškova postupka vantelesne oplodnje ili biomedicinski potpomognute oplodnje vršit će se uplatom na transakcijski račun podnosioca zahtjeva putem Službe za privredu, budžet i finansije.
- (2) O realizaciji sredstava, po odredbama ovog Pravilnika, Općinski načelnik informiše Općinsko vijeće jednom godišnje.

Član 12. **(Obaveze korisnika jednokratne novčane naknade)**

- (1) Korisnici novčane naknade za sufinansiranje troškova vantelesne oplodnje ili biomedicinski potpomognute oplodnje dužni su u roku od 60 dana po okončanju postupka dostaviti dokaze o namjenski utrošenim sredstvima (original fiskalni račun ili originalna faktura sa fiskalnim računom), na osnovu kojeg će se utvrditi da je postupak vantelesne oplodnje ili biomedicinski potpomognute oplodnje za koji su sufinansirana sredstva okončan.
- (2) Ukoliko u roku iz stava 1. ovog člana ne dostave dokaz o namjenski utrošenim sredstvima, dužni su dodijeljena sredstva vratiti na transakcijski račun Općine, u suprotnom će se sredstva potraživati putem nadležnog suda.

Član 13. **(Prelazne i završne odredbe)**

Stupanjem na snagu ovog Pravilnika prestaje da važi Pravilnik o raspodjeli novčanih sredstava za sufinansiranje troškova vantelesne oplodnje („Službene novine Kantona Sarajevo“, broj: 25/18 i 22/20).

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d




Član 14.
(Stupanje na snagu Pravilnika)

Ovaj Pravilnik stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-1214/26

Sarajevo, 17.03.2026.godine



Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



